



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Forma Vernacvla Lingva Copvlandi Rite Desponsatos, Et  
Legitime Proclamatos, Secvndvm Catholicæ & verè  
Apostolicæ Ecclesiæ ritum**

**Leisentritt, Johann**

**Coloniae, 1590**

**VD16 L 1074 (Beigef. Werk)**

Dem Erbarn Namhafftigen Georgen Piben/ Burgern auff der Platten/  
meinem geliebten Bruder/ Wünsche ich Urban Pibe von Budissin Gottes  
gnade/ vnd bestendigkeit Christliches Glaubens/ durch Jesum ...

**urn:nbn:de:hbz:466:1-39240**

# Dem Erbarn Nam-

hafftigen Georgen Piben / Burgern

auff der Platten / meinem geliebten Bruder / Wün-

sche ich Erban Pibe von Sudissin Gottes gnade / vnd

bestendigkeit Christliches Glaubens / durch

Jesum Christum vnseren

H E R R E N .

**E**s gibts die tägliche erfahrung / gelieb-  
ter Bruder / vnd ist also meniglichen be-  
wust / wie gar vnnöthiger muthwilli-  
ger weisz / ja auß lauter bößheit vnd vor-  
gesatztem schedlichen Eifer / doch vnder  
einem Christlichen schein / jeziger gefehrlicher zeit /  
man sich höchlich beflisset / das Schifflein Petri  
mit vilfaltigen widerwertigkeiten zu belestigen vnd  
zubeirren / ja auch / wo es möglich vnd die allmech-  
tigkeit Gottes nicht inn ver hinderung wer / ganz  
vnd gar vmb zustürzen / in keiner betrachtung / das  
außerhalb der Archa Noe / welche die ware Christ-  
liche Kirchen deutet / sonst kein heil vnd seligkeit ist /  
welcher vnd wievil darauß schreiten / endlich ersauf-  
fen vnd ewiglichen verderben müssen.

Darumb alle die jenigen hoch zurhümen vnd zu  
loben würdig sein / so mit rechtem ernst / vnd waren

A u Christe

Vorrede.

Christlichem fleiß/kein müh vnd arbeit/vilweniger  
einige vnkosten sparen/damit samptlichen vnd son-  
derlich/so dem Schifflin Petri (verstehe/der All-  
gememē Christlichen Kirchen) eingeleibt seindt/er-  
haltē vñ getröstet werden/Vnder welchen ohne fal-  
scheit zu melden/der Ehrwürdige vnd Achtbarer  
Herr Johann Leisentritt / Thumdechant allhie zu  
Budissin/rc. vnser ordentlicher Pastor vnd Seelsor-  
ger/billich mit zumorachten/ denen das Christlich  
werck welchs Gott lob vorhanden vnd seliglich zu-  
mügen vñ zugebrauchen) inē selbs/lobet vñ preiset.

Darob nicht alleine Ich/sonder auch andere der  
alten waren Apostolischer Kirchen verwante / vnd  
Heilige Schrift Lehrer / grossen gefallen tragen/  
Dann dadurch vnd damit zu förderunge gewisser  
seligkeit/dem frommen Gottföchtigen Völklein/  
so im berhürten Schifflin Petri bißher bestendig  
vñ vnbeschadelt verbliben/sehr gewillfahret vnd ge-  
dient wirdt/des Schifflin sage ich /darein Chris-  
tus vnser Heilandt vnd Seligmacher selbs getret-  
ten/heutigis tags darinnen ist vnd bleibet /dasselbe  
biß zum ende der Welt regiert vnd nicht vndergehn  
laßt.

Derhalben habe ich auß wolmeinendem gutem  
Christlichem gemüth / nicht allein gegenwertiges

Opus

## Vorrede

Opusculum vnd Christliches werck / dem Schiff-  
lein Petri zugethanen dienende / mitt diser meiner  
gedruckten Vorrede / dir zuzuschicken mich gemech-  
tiget / sonder auch anderer hieben gedruckter Lucu-  
brationen Exemplaria / so wolgedachter Herr hatt  
durch den Druck außgehn lassen / dir übersende /  
Freundtlich vnd Brüderlich bittende / das du nicht  
allein dises alles lesende dir wolgefallen lassest / son-  
der auch mit einander also beherzigest / auff das du  
im gehorsam Heiliger Christliche Kirchen bleibest /  
keins wegs / mit verlust deiner Seelen seligkeit auß  
dem Schifflein Petri schreitest / weder einige ver-  
achtung vñ widerwertigkeit (durch welche wir ein-  
gehn sollen in das Reich der Himmel) also groß we-  
gest / das dich jrgendt zur zweiflung verursachen  
solte / sonder alle widerwertigkeit durch Gottes  
hilff (in derer wir alles mechtig) mit Christlicher ge-  
dult überwindest / Welchs dir vnd vns allen verlei-  
he die Heilige Dreyfaltigkeit vnd einige Gottheit /  
Gott Vatter, Sohn vnd Heiliger Geist / Amen.